

2879

C O D I C E S

2880

DCCXCVI.

213 Codex chartaceus lat. Sec. XV. Folior. 37. f. nitide perscriptus et rubricis distinctus hac inscriptione gaudet: *Incipit thesaurus pontificum siue sacerdotum. Rubrica. Quemadmodum constantinus episcopus cypri dicit in consilio Meldensi non oportet nos qui episcopi sumus indigere doctrina &c. Cum totus Tractatus in Rubricas, more antiquorum Commentatorum, divisus sit, prima haec Rubrica Praefationis vice ad quandam Reuerendissimam Paternitatem fungitur. Dicitur vero in ea: Sumendo de rationali diuinorum officiorum Guilelmi durandi que huic operi congruebant hunc librum compilauit super pontificali iuxta singulas Rubricas in pontificali contentas aliquibus etiam Rubricis in hoc opere additis propter distinctiones sacramentorum. — Quem librum Thesaurum pontificum appellauit quia in eo operti sunt thesauri diuinorum eloquiorum. et regule sacrorum canonum super quibus fundate sunt forme libri pontificalis. Sumant itaque R. p. et domini mei Episcopi hunc thesaurum et apponant cor suum &c. In prima parte tractatur de collatione ecclesiasticorum ordinum et dignitatum (scil. de coronat. Imperat. et Imperatric.) In secunda de consecratione ecclesiarum. altarium. Cimiteriorum. et sacrorum ornamentorum. In tertia de Canonizatione sanctorum. Celebratione festiuitatum. letaniarum. nuptiarum. et Ieiuniorum. et ordina-*

tionem officij quinte et sexte ferie. ac sabbati sacre ebdomade. In quarta de celebratione conciliorum et ratione diuinorum officiorum. et ordine officij diurni et nocturni. In quinta de administratione necessariorum sacramentorum ecclesiasticorum. Singulis partibus praefixus est Rubricarum elenchus. Adhaerent in calce: Ordo, qui seruatur in celebratione concilij generalis per archiepiscopum vel episcopum. Formae Absolutionis. Orationes quando Papa equitat, antequam exit de camera. Orationes in consecrationibus sacrorum Agnus. Modus qui communiter seruari consuevit circa canonizationem sanctorum. Quae fol. 35. leguntur: Sanctissimus dominus noster papa Nicolaus quintus consecrauit sacros Agnus dei in die iouis sancta in alma vrbe. Pontificatus sui Anno quarto (1450) et hoc fecit de gratia speciali et propter sanctum annum Iubilei; in opinionem adducere possent, Thesaurum nostrum post hunc annum, sed vivo etiamnum Nicolao conscriptum fuisse; sed, cum Autor fol. 8. celebrem illum Iuris canonici interpretem Johannem Andreae an. 1348. Bononiae defunctum dominum suum appellet, manifestum videtur, Notandum illud de Nicolao V. serius adiectum fuisse. Porro cum inter notos aevi illius Ictos nemo maiori jure Johannem Andreae dominum suum appellare potuerit, ac Johannes Calderinus, quem adoptauerat filium, et Paulus Leazarus, alterutri fortasse tribuendus foret Tractatus

DCCXCVI

2881

LITURGICI.

2882

status praefens, nisi in *Codice* seq. aperte *Calderini* nomen praeferret. Hunc igitur *Codicem* confer.

DCCXCVII.

669 Codex chartaceus lat. Sec. XV. sub finem vero XIV. Folior. 163. 4. maximam partem in charta polita nitide exaratus et rubricis distinctus ita praescribitur: *Johannis Calderini liber cui nomen est thesaurus Pontificum Incipit feliciter. Johannis* hujus patria *Bononiensis*, ob insignes animi dotes a celebri *Johanne Andreae* adoptati, Iuris Canonici Doctoris et *Bononiae* usque ad an. mortis 1365. Professoris Opera in Jus memoratum nota et non semel typis vulgata sunt; praefens vero Liber *Fabricio, Mansio, Pancirolo, Tirabosco* ignotus, quod sciam, lucem nunquam vidit, Nobis jam *Codice* praeced. *adscriptos* indicatus. Sunt in eo praeclare congesta omnia, quae ad Episcopatus, inferiorumque in Ecclesia Graduum Officia, Ritusque sacros spectant, quaeque alio nomine *Benedictionalia, Ritualia, Ceremonialia, Pontificalia* adpellantur. Prooemii ad quendam Episcopum directi hoc est initium: *Quemadmodum Constantinus Episcopus Cypri dicit in Concilio Melden. (I. Nicaeno II.) non oportet nos qui Episcopi sumus, indigere doctrina, sed aliorum esse doctores &c.* Sequuntur multa de dotibus in Episcopo requisitis ex J. Can. et postquam Autor dixisset, se multa sumfisse *de rationali diuinorum Offi-*

ciorum guillelmi durandi, ita de Opere suo pergit: *Qui liber in quinque partes diuiditur — In prima parte tractatur de collatione ecclesiasticorum ordinum et dignitatum. In 2^a de consecratione ecclesiarum altarium Cyniteriorum. In tertia de canonizatione sanctorum, celebratione festiuitatum letaniarum nuptiarum et ieiuniorum et de ordine Officii Quinte et Sexte ferie et Sabbati sacre Eodomale. In quarta de celebratione conciliorum et in ratione (administratione?) diuinorum officiorum et ordine officij nocturni et diurni. In quinta de administratione necessariorum sacramentorum ecclesiasticorum. Partes singulae praeviis Tractandorum Titulis instructae sunt. Pars I. incipit: De ecclesiasticis ordinibus in genere sermo. Videndum est quid sit ordo &c. Totius Operis finis cum clausula: ne sine vocatione decedat v. d. baptizari. Et sic est finis libri Thezaurorum pontificum Per R. d. Johannem Calderini de Bononia editi. Scriptique per me Johannem henrici de Borsalia. An. domini M^o CCCC^o LXIII^o. feruente expeditione contra Turchos Regnante Paulo primo (II.) Pontifice Maximo. Adhaerent ab eadem manu: I. De canonizatione alicuius sancti uel sancte. Ritus, qui incipit: Paretur summus pontifex ac Cardinales atque prelati paramentis albis &c. Nescio, an ullibi impressus sit; differt enim ab iis, quos memorat *Benedictus XIV. de Beatt. Canoniz. L. I. c. 36. §. 7.* uti etiam ab eo, quem refert *Cpb. Marcellus de Ritib. eccl.**